



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Ab Alexandro VII. Ad Clementem X.

**Luxemburgi, MDCCXLII.**

CXLII. Transactio inter Vicarium Generalem Bergomen. & Fratres Minimos  
Sancti Francisci de Paula pro receptione Conventus Beatæ Mariæ,  
omniumque Sanctorum de Galgario nuncupat.

---

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

1665.  
Decretum  
irritans.

§. 3. Decernentes easdem presentes literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab illis ad quos spectat, & pro tempore quodcumque spectabit inviolabiliter observari; sique in præmissis per quoscumque Judices ordinarios, & Delegatos etiam Caesarum Palatii Apostolici Auditores judicari, & definiri debere, ac irritum, & inane si secus super his à quoquam quavis auctoritate scienter, vel ignoranter contigerit attentari.

§. 4. Non obstantibus præmissis, ac Constitutionibus, & ordinationibus Apostolicis, nec non quatenus opus sit dicti Ordinis etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & litteris Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plenè, & sufficienter expressis habentes, illis aliàs in suo robore permansuris, ad præmissorum effectum hac vice dumtaxat specialiter, & expressè derogamus, cæterisque contrariis quibuscumque.

Transumptio-  
rum fides.

§. 5. Volumus autem, ut earumdem præsentium litterarum transumptis seu exemplis etiam impressis, manu alienius Notarii publici subscriptis, & sigillo personæ in Ecclesiastica dignitate constitutæ munitis eadem prorsus fides adhiberetur in judicio, & extra, quæ præsentibus ipsis adhiberetur, si forent exhibitæ vel ostensæ.

Dat. P. An. to.  
die 5. Nov.

Datum Romæ apud Sanctam Mariam Majorem sub Annulo Piscatoris, die 5. Novembris 1663. Pontificatus Nostri Anno undecimo.

CXLII.

Transactio inter Vicarium Generalem Bergomen. & Fratres Minimorum Sancti Francisci de Paula pro receptione Conventus Beatæ Mariæ, omniumque Sanctorum de Galgario nuncupat.

Edita An. D.  
1665.

ALEXANDER EPISCOPUS,

*Servus Servorum Dei, Dilecto filio Vicario Venerabilis Fratris nostri Episcopi Bergomen. in spiritualibus Generali, salutem, & Apostolicam Benedictionem.*

Exordium.

**I**n supremo Apostolicæ dignitatis culmine, meritis licet imparibus constituti, ad ea, per quæ Domorum Regularium, necnon Religiosorum in eis degentium piis exercitiis vacantium spirituali consolationi opportunè consulatur libenter intendimus, & ut illa, quæ propterea providè facta fuisse dicuntur, firma, & illibata persistant, libenter, cum à Nobis petitur, Apostolico munimine roborari, & aliàs desuper disponi mandamus, prout conspiciamus in Domino salubriter expedire.

§. 1. Exhibita si quidem Nobis nuper pro parte dilectorum filiorum Francisci Tassis, moderni Præpositi Præposituræ Sanctorum Simonis, & Judæ Bergomen. & Fratrum Ordinis Sancti Francisci de Paula Minimorum nuncupat. Bergomen. & pro eis Correctoris Provincialis Prov. Venetæ Ordinis prædicti petitio continebat, quod alias, seu nuper dictus Franciscus providè confiderans Fratres prædictos in Civitate Bergomen. propria habitatione carere, cupiensque interim, ut per ea quæ ipsi Fratres in prædicta Civitate jam à viginti circiter annis quibus ibidem commorantur, feliciter jecerunt salutarium operum fundamenta, Religionis zelus per amplius propagetur, cultusque divinus majora in dies suscipiat incrementa, pro singulari ipsius in dictum Ordinem devotionis affectu, præfatis Fratribus, & pro eis dicto Correctori usum Ecclesiæ, & Conventus

Beatæ Mariæ, omniumque Sanctorum de Galgario nuncupat. prope, & extra muros Civitatis Bergomen. cum duobus terræ petiolis arativis dicto Conventui contiguus versus dictam Civitatem ad flumen Muria similiter nuncupatum, juxta sua notissima latera sitis, quæ cum sint intra septa dicti Conventus locari non possunt, una cum Ponte, & pinnaculo vulgo Logetta, super d. flumine respectivè positus, capacitatis quoad terræ petiola hujusmodi ad mensuram Romanam unius petii circiter, olim Ordinis Fratrum Humiliatorum, etiam nuncupatorum, nunc verò secundo dicto Ordine, omnique statu, & essentia regularibus in eo Apostolica auctoritate perpetuò suppressis, & extinctis, Præposituræ prædictæ, quam dictus Franciscus ad præfens obtinet, eadem auctoritate etiam perpetuò unitis.

§. 2. In reliquis tamen Præposituræ prædictæ juribus in omnibus, & per omnia, & præsertim quoad officinam, pulverariam, ac domos, & pratellum illis adjacentia, quæ Præposituræ prædictæ, & Præposito pro tempore existentis libera sint, & esse semper debeant, salvis, & illæsis remanentibus cum infrascriptis, videlicet, quod ipsi Fratres prædicto Francisco, & dicto Præposito pro tempore existentis quolibet anno in die Festo Purificationis Beatæ Mariæ Virginis in recognitionem unam candelam Ceræ albæ ponderis trium librarum cum ipsius, & Præpositi pro tempore existentium necnon eorumdem Fratrum Religionis armis, seu insigniis dare, armaque sua insignia ejusdem Præpositi pro tempore existentis super porta majori dictæ Ecclesiæ exponere, ac duas quotidie quoad assistentiam tantum, necnon cum una cantata, ac officio similiter cantato, viginti quatuor Missas submissa voce recitandas, & pro suffragio animabus Præpositorum prædefunctorum applicandas prima die non impedita à die Commemorationis omnium fidelium defunctorum, præmonito tamen prius super his eodem Præposito, sive ejus deputato, cui nota in scriptis per singulos Sacerdotes, qui prædictas Missas celebraverint, ac per Superiorem, & Sacristarium Conventus dictæ Ecclesiæ respectivè subscripta, & subsignata tradi, & consignari debeat in eadem Ecclesia quolibet anno celebrare, seu celebrari facere.

§. 3. Ac demum onera Missarum, & Officii celebrationis hujusmodi in tabella obligationum in Sacristia asservari, & teneri consueta describere, & annotare teneantur, & obligati existant, reservato interea cuilibet Præposito pro tempore existentis, jure proprietatis, & directi domini, tam quoad dictam Ecclesiam, quam Conventum, & terræ petiola supradicta, retentisque sibi, & de illius familia tantum futuris primodictæ Ecclesiæ præpositis pro sua, & illorum, ac cujuslibet illorum propria, & libera habitatione atria minori inferius ad portam, & propè portam dicti Conventus, ac una eidem atrio contigua cum scalis, necnon duabus aliis superius per eundem Præpositum, seu illius sumptibus, & expensis in dicto Conventu fabricatis, & extructis Cameris cum libero ingressu, & regressu Portæ ejusdem Conventus, necnon accessu, & recessu superius, & inferius ad hortum, & dormitorium, ac alias cum alijs pactis, & conditionibus licitis tamen, & honestis sub nostro, & Sedis Apostolicæ beneplacito infra certum tunc expressum, & jam forsitan elapsum tempus, impetrandò, in perpetuum concessit, prout in publico Instrumento, aliisque desuper forsitan confectis scripturis plenius dicitur contineri.

§. 4. Cum autem sicut eadem petitio subjungebat, ea, quæ à Sede prædicta approbantur, & confirmantur firmissis, & validius subsistant, ac melius ab omnibus observentur; quare pro parte Francisci, & Fratrum, ac pro eis Correctoris præ-

dictorum

dictorum Nobis fuit humiliter supplicatum, quatenus concessionem hujusmodi pro perpetua, & inviolabili observatione approbare, & confirmare, aliasque in præmissis oportune providere de benignitate Apostolica dignemur.

§. 5. Nos igitur, qui divinum cultum, & fidelium devotionem ubique augeri sinceris desideramus affectibus, Franciscum, & Correctorem prædictos, & eorum quemlibet, necnon domus, & Conventus hujusmodi singulares personas à quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis à jure, vel ab homine quavis occasione, vel causa latis, si quibus quomodolibet innodati existunt, ad effectum præsentium dumtaxat consequendum, harum serie absolventes, & absolutos fore censentes, necnon Instrumenti, scripturarumque hujusmodi totos tenores præmissis tamen minimè contrarios, ac Ecclesiæ Conventus, & terræ petitorum hujusmodi situationes, confines, vocabula, denominationes, qualitates, & quantitates præsentibus pro expressis habentes, hujusmodi supplicationibus inclinati, discretioni tue per Apostolicam scripta mandamus, quatenus concessionem prædictam, ac prout eam concernunt desuper confectas scripturas ac Instrumentum prædicta cum omnibus, & singulis inde legitime sequutis, & sequendis perpetuò sine alicujus præjudicio dicta auctoritate approbes, & confirmes, ac eis perpetuè, & inviolabilis Apostolicæ firmitatis robur adjicias, eamque validam, & efficacem perpetuo fore, & esse, ac ab omnibus uti legem factam observari, & adimpleri debere, sicque & non alias per quoscumque Judices ordinarios, & delegatos, etiam causarum Palatii Apostolici Auditores, ac Sanctæ Romanæ Ecclesiæ Cardinales etiam de latere Legatos, Vicelegatos, & Sedis Apostolicæ nuncios, & quosvis alios judicari, & definiri debere, ac quidquid fecus super his à quoquam quavis auctoritate scienter, vel ignoranter contigerit attentari, dicta auctoritate decernas; Non obstantibus constitutionibus, & ordinationibus Apostolicis, ac quatenus opus sit primodicti Ordinis juramento, confirmatione Apostolica, vel quavis firmitate alia roboratis, statutis, & consuetudinibus, cæterisque contrariis quibuscumque.

Datum Romæ apud S. Mariam Majorem, Anno Incarnationis Dominicæ 1665; Non. Decembris, Pontificatus nostri Anno undecimo.

Confirmatio Transactionis.

Dar. P. A. II. die 7. Dec.

CLXIII.

Quod nulli ex Fratribus reformatis Sancti Francisci Provinciæ Romanæ competat jus præcedendi, sive honoratoris loci, nisi Superioribus actualibus, & Exgeneralibus.

ALEXANDER PAPA VII.

Ad perpetuam rei memoriam.

Edita An. D. 1665.

Exordium.

Pastoralis officii, quod superni dispositione consilii gerimus, cura animum nostrum sollicitat, ut religiosorum virorum, qui abnegantes semetipsos Altissimis obsequiis in spiritu humilitatis sese devoverunt, quieti salubriter consulerent, ipsosque in laudabili eorum proposito quantum Nobis ex alto conceditur confovere studeamus.

Motiva hujus consilii.

§. 1. Cum itaque sicut dilecti filii Minister Provincialis, & Diffinitorium, ac Exprovinciales, & Fratres graduati Provinciæ Romanæ Fratrum Ordinis Minimorum Sancti Francisci de Observantia Reformatorum nuncupatorum, Nobis nuper exponi fecerunt, licet reformatio in Provinciam prædictam magno cum humilitatis, & Religiosæ quietis, vitæque simplicis studio inducta multorum annorum spatio utiliter, & laudabiliter, ac cum bono erga sæculares exemplo vigeret:

nihilominus experientia compertum sit post introductum in eandem Provinciam certum præcedendi modum illam à pristinae humilitatis statu non parum recessisse, dicti verò exponentes, ut antiqua observantia in sua puritate semper floreat, omnisque ambitionis, & relaxationis occasio maturè præcudatur, quasdam fel. rec. Urbani PP. VIII. prædecessoris nostri litteras die 22. Decembris 1642. in forma Brevis expeditas, incipien. Alias pro Congregatione generali &c. in quibus circa præcedentiam inter Fratres Strictioris Observantiæ familiæ Cismontanæ dicti Ordinis nonnulla inter alia disponuntur, quoad prædictam Provinciam Romanam ad terminos aliarum ejusdem Urbani prædecessoris litterarum die 21. Augusti 1634. in simili forma Brevis emanatarum, quarum initium est; inter gravissimas &c. à Nobis reduci, & circa subrogationes, quæ deficientibus in eadem Provincia Ministro Provinciali, ac Patribus Ordinis, & Diffinitoribus interdum fieri debent, opportunè provideri, ita scilicet, ut digniores juxta dispositionem constitutionum generalium subrogentur, circa incorporationes autem, ut aliarum Provincialium Fratres, qui memoratæ Provinciæ Romanæ obtento desuper beneplacito Diffinitorii incorporati fuerint, à die incorporationis hujusmodi tantum præcedere debeant, quemadmodum Statuta Reformationis disponunt, statui, & ordinari summopere desiderent.

§. 2. Nos piis eorumdem exponentium votis in præmissis favorabiliter annuere volentes, & eorum singulares personas à quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis à jure, vel ab homine quavis occasione, vel causa latis, si quibus quomodolibet innodati existunt ad effectum præsentium dumtaxat consequendum harum serie absolventes, & absolutos fore censentes.

§. 3. Supplicationibus eorum nomine Nobis super hoc humiliter porrectis inclinati de Venerabilium Fratrum nostrorum S.R.E. Cardinalium ac dilectorum filiorum Romanæ Curie Prælatorum super negotiis Visitationis Apostolicæ Ecclesiarum, & locorum Piorum Urbis nostræ à Nobis institutæ deputatorum, qui præmissa mandato nostro accuratè perpenderit, consilio, primodictas Urbani prædecessoris litteras die 22. Decembris 1642. ad supplicationem tunc existentis Commissarii Generalis emanatas quoad caput præcedentiæ inter Fratres strictioris Observantiæ Sancti Francisci Cismontanæ familiæ hujusmodi, respectu Fratrum dictæ Provinciæ Romanæ ad terminos aliarum secundodictarum ejusdem Urbani prædecessoris litterarum motu proprio die 23. Augusti 1634. editarum auctoritate Apostolica tenore præsentium reducimus, itaut in posterum etiam vigore cujusvis indulti, ex quavis causa, vel occasione à Sede Apostolica, vel alias quomodolibet impetrari, in eadem Provincia Romana nulli Fratrum jus præcedendi, sive honoratoris loci competat nisi Ministro, Commissario, Vicario, & Procuratori Generalibus, Ministro, Commissario, & Vicario Provincialibus, Custodi, Commissario, Visitatori, Guardianis, Præsidenti, seu Commissariis, & Vicariis localibus, qui tamen expletis eorum Officiis ad locum, & præcedentiam Ordinis redibunt, tam si qui jam habitum per Fratres gestari solitum susceperunt, ac de cætero suscipient, quam si qui se à Fratribus de Observantia ad Fratres Reformatos dictæ Provinciæ canonicè transfulerunt, & transferent, exceptis tamen iis qui Ministri Generalis, seu Commissarii Generalis Cismontanæ Familiæ officio functi sunt, vel fungentur, qui post Superiores actuales immediatè locum habeant.

Quò verò ad prænaratas subrogationes digniorum, & incorporationes Religiosorum alienæ

Abolvit a censuris.

Confirmat prout in rub.